

subiacere volumus, omniaque edicta, Constitutiones, & Ordinationes, ac statuta de super necessaria, & opportuna per Cardinalem Protectorem, & pro eius parte fieri, necnon Communitates, & Universitates, ac Barones alios lacuum, fluminum, & paludum Dominos ad plantandum circum lacus, & paludes huiusmodi celsos, & moros viginti ulnas, vel circa, & quadraginta palmos ab invicem, prope Ripas vero fluminum quatuor ulnarum cum eadem, seu minori distantia ab invicem distantes, ut major illarum numerus ibidem plantari queat, omnibus juris remediis astringi, obligarique volumus, ex quibus globis volumus, & precipimus sericum, & auleum huiusmodi extrahi, & ex Benevento, necnon Romanodiola, & Marchia Anconitana, & insuper Umbria, ac aliis Provinciis Status Ecclesiastici huiusmodi Romam deduci ad constituendum telaria ad texendum oloferica, gantapina, & villosa, aliave exercitia dictarum artium, aliosque pannos, ut quantocius artes predictae hic in dicta Urbe introducantur in maximam dictae Urbis utilitatem, utque illius loca antea vacua, & derelicta inhabitentur, volumus insuper quod in Civitatibus Perusin., & Spoletan., ac Fulginaten., necnon Camerinen., aliisque predicti Status Ecclesiastici Civitatibus, in quibus huiusmodi artes exerceri non medioctriter cupimus, tot ferici, & aulei remaneant, quot pro introductione, & continuatione, atque augmento ipsarum artium opus, & necessarium fuerit: In Civitate autem Perusin., & aliis ubi iam ars texendi serica introducta existit, & illa, quae Consulatos bene formatos, & erectos cum eorum residentis, & statuti habent, eius artificis reddant, nolumus in eis Vicegerentes per introductorem, seu inventorem deputari, sed tantummodo Notarium, & computatorem ad hoc illi artem etiam texendi aulea feminaria, & plantumaria ceterasque supradictas ordinationes executioni, & perfectioni demandari curent, & postremo Communitati, & Homini Civitatis nostrae Bononien. huiusmodi nihil damni afferri volentes, quod Notarios artium huiusmodi, qui electus, & deputatus fuerit, nihil datii, seu vestigialis ex globis sericis, & auleis huiusmodi a Communitate, & hominibus dictae Civitatis Bononien., sed dumtaxat ex foliis celforum, & mororum huiusmodi proveniuntur in bonis, & possessionibus Ecclesiasticis, & locis Pii predictis petere, seu exigere possit, statuimus, & declaramus.

§.15. Ac tandem dilectum filium nostrum Joannem Baptistam tituli S. Mariae in Ara-Caeli Presbyterum Cardinalem Castrucium nuncupat. ipsarum artium, ac dicti Inventoris, Introductoris, suorumque haeredum, & Successorum, seu ab eisdem deputatorum Protectorem cum potestate, facultate, & auctoritate omnia, & singula, quae ad officium Protectoris alicujus artis de jure, vel consuetudine, aut alias quomodolibet spectant, & pertinent, faciendi, dicendi, gerendi, exercendi, & exequendi

Cardinalis Castrucius huiusmodi Artium, & Petri Inventoris Protector constituitur.

facimus, creamus, constituimus, & deputamus, ac nonnulla alia Capitula, pacta, facultates, statuta, ordinationes, & decreta de super edidimus, prout in aliis nostris literis plenius continetur.

§.16. Necnon concessionem, & indulgentiam, aliaque omnia praemissa, necnon praesentes literas nullo unquam tempore quovis quasito colore, vel ingenio de subreptionis, vel obreptionis, aut nullitatis vitio, seu intentionis nostrae, vel quovis alio defectu notari, seu impugnari, aut sub quibusvis revocationibus, suspensionibus, vel derogationis similibus, vel dissimilibus concessionum, & aliarum gratiarum a Nobis, & Sede Apostolica, etiam cum quibusvis derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis, etiam motu pari pro tempore emanatis comprehendere posse, sed illa semper valida, & efficacia fore, ac quoties illae emanabunt, toties in pristinum, & validissimum statum restituta, reposita de novo etiam sub data per Petrum, ac haeredes, & Successores, ac ipsius Camerae Officiales, aliosque predictos eligenda concessa fore, ac vim validi, & efficacis contractus inter Nos, & Sedem eandem, ac illos de super habere, & obtinere.

§.17. Sicque per quoscumque Iudices Ordinarios, & Delegatos, etiam Causarum Palatii Apostolici Auditores, ac eisdem Romanae Ecclesiae Cardinales, sublata eis & eorum cuilibet quavis aliter iudicandi, & interpretandi facultate, & auctoritate ubique iudicari, & definiri debere, ac irritum, & inane quicquid secus super his a quoquam quavis auctoritate scienter, vel ignoranter contigerit attentari decernimus.

§.18. Mandantes propterea per praesentes pari modo predicto Joanni Baptista Cardinali, & Protectori, ac omnibus, & singulis totius Status predicti Legatis, & Vicelegatis, necnon Gubernatoribus, & Potestatibus, ac aliis Magistratibus quibuscumque nominibus censeantur ac quibusvis praesulgeant dignitatibus, necnon quibusvis aliis quavis auctoritate suagentibus faciant auctoritate nostra omnia, & singula praemissa ab omnibus inviolabiliter observari.

§.19. Non obstantibus Constitutionibus, & Ordinationibus Apostolicis, ac Urbis, necnon Civitatum, Terrarum, Castrorum, Oppidorum, & locorum, necnon Status Ecclesiastici predictorum etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegii quoque, Indultis, & literis Apostolicis, etiam Motu simili, ac etiam consistorialiter concessis, approbatis, & innovatis. Quibus omnibus etiam de illis specialis, specifica, expressa, & individua non autem per clausulas generales idem importantes mentio, seu quavis alia expressio habenda esset, illis alias in suo robore permanentis, hac vice dumtaxat specialiter, & expresse derogamus,

Præsentibus literis nullo unquam vitio notanda.

Sic per quoscumque Iudices judicandum.

Pro predictorum executione Communitarii deputati.

Derogatio contractuorum.

mus, ceterisque contrariis quibuscumque. §.20. Et quia difficile foret &c. Datum Romae apud Sanctum Petrum sub Annulo Piscatoris die 28. Maii 1586. Pontificatus nostri Anno II.

Ex Regest. in Secret. Brevis.

Proccium.

Causa sciendae communitatis.

Concessio facultatis, de qua in rubrica.

Facultas Confraternitatis habendi Processionem infra Octavam Corporis Christi.

Obstantium derogatio.

L.
Facultas Archiconfraternitati SSmi Sacramenti in Ecclesia S. Petri de Urbe commutandi cuique Confraternitati aggregatae, & aggregandae primam Dominicam mensis ad processionem habendam, in aliam Dominicam, prout unicuique huiusmodi Confraternit. expedire judicaverit.

SIXTUS PAPA QUINTUS
Ad perpetuam rei memoriam.

Fidelium votis, quae ad spiritualem animarum consolationem, & ad maiorem SSmi Eucharistiae Sacramenti celebritatem, & honorem tendere consueverunt, quantum cum Deo possumus, libenter annuimus.

§.1. Cum itaque, sicut accepimus, quampures Societates extra Urbem, quae aggregatae sunt Archiconfraternitati Sanctissimi Sacramenti in Basilica Santi Petri de Urbe jam pridem instituta quaedam Indulgentias consequantur, Processionem prima Dominica cujuslibet mensis celebrando: multis vero in locis contingat, ut eodem die processio Rosarii, seu alterius Societatis fiat; unde Populo in partes diviso, minori frequentia ejusdem SSmi Sacramenti processio celebretur.

§.2. Nos Officialium Archiconfraternitatis predictae precibus inclinati, ipsis Officialibus, ut dictam primam Dominicam mensis ad processionem habendam, in aliam Dominicam arbitrio suo, prout magis cuique Confraternitati aggregatae, vel aggregandae expedire judicaverint, commutare possint cum omnibus privilegiis, gratiis, & Indulgentiis in eadem prima Dominica concessis auctoritate Apostolica tenore praesentium facultatem concedimus.

§.3. Praeterea quoniam in festo Corporis Christi, quo die in Ecclesia Dei indutus fuit mos, ut praesens, & Venerabile Sanctissimae Eucharistiae Sacramentum singulari veneratione, ac solemnitate celebretur, atque in processionibus reverenter & honorifice pervias, & loca publica circumferatur, in dicta Basilica Processio a dicta Archiconfraternitate non habetur, cum a Nobis, & pro tempore existente Romano Pontifice una cum Collegio Cardinalium, ac Praelatis, & Officialibus omnibus Romanae Curiae majori, qua fieri possit, celebratae fiat, Confraternitatibus, ut praefertur, aggregatis, ut processionem ipso die Corporis Christi, aut Dominicam, vel alio die infra octavam ejusdem celebritatis, prout a Prioribus, seu Administratoribus ipsarum Societatum honori Sanctissimi Sacramenti magis convenire iudicatum fuerit, habere possint, eisdem auctoritate, & tenore potestatem facimus.

§.4. Non obstantibus Constitutionibus, & Ordinationibus Apostolicis, ac literis

aggregationum huiusmodi, ceterisque contrariis quibuscumque.

§.5. Volumus autem, ut ipsarum praesentium transumptis &c.

Datum Romae apud Sanctum Petrum, sub Annulo Piscatoris die 30. Maii 1586. Pontificatus nostri Anno II.

LI.
Quod Eremitae S. Romualdi Montis Coronae, Ordinis Camaldulensis sub Regula S. Benedicti, alterius Ordinis Religiosos recipere possint. Ipsi vero ad alium etiam Eremiti Camaldulensis transire nequeant.

Ad hoc vide notata in Clem. VII. Const. XXVI. Vestrum. Tom. IV. Par. I. fol. 76.

SIXTUS PAPA QUINTUS

Ad futuram rei memoriam.

Ea est Congregatio Eremitarum Sancti Romualdi Ordinis Camaldulensis Montis Coronae austeritas, & observantia, ut quemadmodum non solum relatu aliorum, sed propriis etiam interdum oculis vidimus, & percepimus, merito, & vere eam sub strictiori regula custodiri, quam omnes aliae, quae in tota Italia reperiuntur, dici, & censei possit.

§.1. Quo etiam fit, ut nonnulli parum cauti, & constantes, ac minus fortes ad resistendum pravis tentationibus, ab ipsa Congregatione ad alios Ordines se transferre non verentur, cum magno plurimorum scandalo, & animarum suarum periculo.

§.2. Hinc est quod Nos his malis occurrere, eandemque Congregationem specialibus favoribus, & gratiis prosequi volentes, omnes gratias, indulgentias, & privilegia eidem Congregationi, & illius Eremitis a Romanis Pontificibus Praedecessoribus nostris, super recipendis quibuscumque quarumvis Religionum, & Ordinum Mendicantium, & non Mendicantium Religiosis ad ipsos transire volentibus concessa, rata, & firma esse volentes, & quatenus opus sit, auctoritate Apostolica tenore praesentium innovantes, omnibus, & singulis Eremitis predictae Congregationis nunc, & pro tempore existentibus, & cuilibet eorum in virtute sanctae obedientiae, ac sub Excommunicationis majoris eo ipso incurrendae, a qua nullus praeter Romanum Pontificem pro tempore existentem, praeterquam in mortis articulo, absolutionis beneficium impendere possit, aliisque Ecclesiasticis sententiis, censuris, & poenis, necnon apostasie reatus, suspensionis a divinis, aliisque arbitrio Majoris ejusdem Congregationis pro tempore existentis moderandis, infligendis, & declarandis poenis, ne ad alios quoscumque Ordines, nec etiam ad Sacrum Eremitum ejusdem Camaldulen. Ordinis Aretin. Dioecesis sine expresso consensu, & licentia ab eodem Majori pro tempore existente supradictae Congregationis in scriptis petita, & obtenta, transire, & transire audeant, vel audeat, eisdem auctoritate, & tenore interdiximus, & prohibemus.

Congregatio Eremitarum S. Romualdi est strictior observantia, ceteris in Italia existentibus.

Unde aliqui minus fortes ad alios Ordines transire non verentur.

Hic ideo Pontifex, hujus Congreg. indultum recipiendi quaevis Ordinis Religiosis esse firmare, & ex ea ad alios etiam sacri Eremiti Religiosos transire prohibet.

§.3. Vo-

1586. Contravenientes ultra alias penas, ad Congregationem redire debere precipit. Majori d. C. Greg. contra eos procedere posse indulget.

Quibuscumque non obstantibus.

§.3. Volumus etiam quod ultra supradictas penas, qui contrafecerint personam capere, & apprehendi, necnon incarcerari, puniri, & etiam ad redeundum cogi, libero predicti Majoris pro tempore existentis arbitrio possint, & valeant.

§.4. Eidemque Majori pro tempore existenti predicta omnia, & singula, per se, vel alium, seu alios sibi beneficos faciendi, exercendi, & effectualiter, ac omnino exequendi, & brachii secularis auxilium, si opus fuerit, invocandi omnimodam, plenam, amplam, & absolutam auctoritate Apostolica predicta tenore presentium licentiam, auctoritatem, & facultatem concedimus, & impartimur.

§.5. Non obstantibus Constitutionibus, & Ordinationibus Apostolicis, necnon indultis, privilegiis, & exemptionibus aliis Religionibus, Congregationibus, & Ordinibus, Eremitis, & Eremitariis quibuscumque, quocumque modo, & sub quibusvis verbis, & clausulis concessis, & iteratis vicibus approbatis, & innovatis. Quibus omnibus, & singulis etiam si de illis, eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes mentio, seu quavis alia exquisita forma ad hoc servanda foret, illorum omnium tenores ac si de verbo ad verbum infererentur presentibus, pro expressis habentes auctoritate predicta eorumdem tenore presentium, quas perpetuis futuris temporibus valere decernimus, specialiter, & expresse derogamus, ceterisque contrariis quibuscumque.

D. P. An. II. 9. Julii.

Datum Romae apud Sanctum Petrum, sub Annulo Piscatoris, die 9. Julii 1586. Pontificatus nostri Anno II.

Ex Regest. in Secret. brev.

Confirmatio Privilegiorum Doctorum, & Legentium Universitatis Bononien., ac praesertim applicationis Datii Mercium.

SIXTUS PAPA QUINTUS

Ad perpetuam rei memoriam.

Aliis Datium Mercium Doctoribus assignatum ab Eugenio PP. IV.

§.1. E Xpositum Nobis nuper fuit pro parte dilectorum filiorum Doctorum Collegiatorum, tam in Decretis, & legibus, quam artibus, & medicina in Universitate Studii Bononien. quod dudum fel. rec. Eugenius Papa IV. Praedecessor noster literas bo. me. Marci tunc Episcopi Avinionen. in Civitate nostra Bononien. pro Sede Apostolica in spiritualibus, & temporalibus Gubernatoris, per quas ipse Marcus Episcopus, & Gubernator tunc, & pro tempore existentibus Rectoribus, & Legentibus hujusmodi pro suorum salariorum solutione datium Gabellae grossae mercantiarum d. Civitatis cum omnibus emolumentis suis obligaverat, & assignaverat, approbavit, & datium ipsum Doctoribus, & legentibus predictis de novo perpetuo concessit.

Idem Datium eidem Julii II. novis Legibus addidit.

§.2. Et cum Doctores, & legentes praedicti datium ipsum libere percipere non possent, sed salaria, & solutiones hujus-

modi per manus Theaurarii, seu Depositarii, aut forsitan aliorum officialium dictae Civitatis non integre, ut decebat, reciperent, pia mem. Julius Papa II. literarum Marci Episcopi, & Eugenii Praedecessoris hujusmodi, ac dicti Datii assignationem approbans voluit, ut absque subhaftatione, aut alia solutione, seu onere subhaftationis dictum datium ad Doctores, & legentes praedictos pertineret, ac quod singulis annis duo Doctores Collegiati Juris Canonici, & duo Juris Civilis, ac duo artium, & medicinae electi per Doctores Collegiatis, & confirmati per Legatum, seu Gubernatorem dictae Civitatis, licentia regiminis minime requisita, datium, seu gabellam hujusmodi, & illius redditus pro se, vel alios ab eis deputandos a quibuscumque personis peteret, & exigere, ac depositarium reddituum hujusmodi deputare possent, ac sub excommunicationis latae sententiae personis quibusvis personis inhibuit, ne in gabella, seu illius redditibus quoquo modo se introumittere praesumerent, & deinde re. mem. Leo X. praemissa omnia approbans, etiam voluit, quod electio sex syndicorum fieri deberet quotannis perpetuo post decimam quintam diem Decembris ante festum Nativitatis Domini nostri Jesu Christi, ac electores prius jurarent in manibus Prioris dictorum Doctorum, & quod non posset eligi, qui non fuisset matriculatus in dicto Collegio per decem annos administrans, quodque in ipso regimine gabellae nullos alios magistratus dictae Civitatis agnoscerent, aut eis parere tenerentur, sed solum Romanum Pontificem praemissorum occasione in superiorem agnoscerent, inhibuitque Magistratibus dictae Civitatis ne in Datio, seu illius redditibus sub pena excommunicationis se introumittere possent.

A Clemente VII. aucto, erectus Mons, datique Doctoribus facultas Depositarii pro sui libito deputandi.

§.3. Postea san. me. Clemens Papa VII. praemissa omnia approbando, & denuo concedendo voluit, quod dicti Doctores deputati unum alium quemcumque collectorem seu Depositarium ad percipiendos redditus datii, seu gabellae hujusmodi deputare possent, & quartam partem datii hujusmodi auxit erigens montem pro Camera Apostolica, quod augmentum datii per eosdem Doctores Syndicos erigeretur, & exerceretur, & cum quondam Julii de Malvetiis ex concessione forsitan dicti Julii Praedecessoris, & consensu eorumdem Doctorum, quandiu vixit, Depositarius dictorum proventuum nominatus fuisset, & dilecti filii Pirrus, & Hercules fratres, etiam de Malvetiis dicti Julii de Malvetiis ex fratre nepotes afferent dictum Depositariatus officium per decessum dicti Julii vacaturum per eundem Leonem Praedecessorem concessum fuisse, decrevit, & declaravit, quod Pirrus, & Hercules praedicti occasione praemissorum illa omnia, & singula, quae dictus Julius ex concessione Julii II. ac ipsi Pirrus, & Hercules ex concessione Leonis Praedecessorum praedictorum habebant, & nullatenus aliud quidquam habere possent, ipsique Doctores ad eorum libitum personam, quae red-

Paulus III. Privilegia omnia confirmavit, & curam Canalii concessit.

Paulus IV. & Pius IV. crederi Montis curam Collegio Doctorum vindicantur.

redditus hujusmodi gabellae recipere deberet, & quodcumque eis placeret, eligere, & deputare valerent, derogando omnibus privilegiis eidem Herculi, & Pirro concessis.

§.4. Praeterea Paulus III. omnia, & singula concessa tam a dictis Pontificibus, quam Imperatoribus, & Principibus ipsis Doctoribus approbavit, & canale navigii ad curam ipsorum pertinere voluit.

§.5. Paulus vero IV. erexit montem super augmento Datii per dictum Clementem Praedecessorem facto, ita ut exactio reddituum ejusdem Abbatiae ad Doctores Collegiatis spectaret, necnon Pius IV. cupiens egregium, & laudabile opus Gymnasii dictae Civitatis per dilectum filium nostrum Petrum Donatum Cardinalem de Casis nuncupatum tunc Episcopum Narnien., & dictae Civitatis Vicelegatum inceptum ad finem debitum perducere, officium Depositarii Gabellae hujusmodi quod quondam Hercules Malvetius Civis Bononien., dum viveret, obtinebat, Motu proprio auctoritate Apostolica penitus, & omnino per mortem dicti Herculis vacans suppressit, & extinxit, necnon salarium, & provisionem, ac omnes, & singulos redditus, & proventus dictae Gabellae videlicet tres quadrantes lagiorum cujuslibet librae argenteae reddituum dictae Gabellae pro tempore existenti Depositario dicti officii illius ratione solvi solita massa reddituum dictae Gabellae, ac monti trium millium scutorum per eundem Pium IV. Praedecessorem in dicta Civitate antea erecto cum obligatione dictorum Doctorum, & legentium solvendi creditoribus dicti Montis summam ducentorum, & quadraginta scutorum, ut in dictis Pii Papa literis, ac Instrumento desuper confecto latius continetur, applicavit, & approbavit.

Demum Pius V. omnia, & singula Privilegia eidem confirmavit.

§.6. Postremo pia mem. Pius Papa V. Praedecessor noster omnia, & singula privilegia, & gratias hujusmodi, quatenus essent in usu, & prout tunc reperiebantur, licita tamen, & honesta, ac sacris Canonibus, non contraria similiter approbavit, & confirmavit.

Causa novae huius facienda confirmatio.

§.7. Nuper vero iidem Doctores haeredes quondam Cornelii de Malvesia, & Julii de Malvesia cohaeredem in Depositariis reddituum Gabellae hujusmodi vigore praemissorum, ac ex eorum antiqua, & eantenus observata consuetudine, ac alias quomodolibet ad septennium, & deinde ad eorum beneplacitum nominarunt, & deputarunt, prout in diversis eorum Praedecessorum literis, ac duobus Instrumentis publicis super nominatione, & deputatione depositarii hujusmodi confectis plenius continetur. Cum autem nuper Nos certis tunc expressis causis adducti dilectum filium Pirrum Malvetium civem nobilem Bononien. Depositarium praedictae Gabellae cum emolumento annuo trecentorum scutorum auri in auro, ac facultatibus, privilegiis, praerogativis, honoribusque solitis, & consuetis, quod vitam duceret, fecerimus, constituerimus, & deputaverimus, in grave

Ball. Rom. Tom. IV. Par. IV.

dictorum Doctorum, & legentium praedictorum, & gravamen, stante maxime obligatione solvendi eidem Creditoribus dictam summam ducentorum, & quadraginta scutorum. Pro parte eorumdem Doctorum, & legentium Nobis fuit humiliter supplicatum, quatenus eos in possessione suorum privilegiorum praedictorum manutenerent de benignitate Apostolica dignaremur.

Depositarium a Doctoribus constitutum confirmat Sixtus.

§.8. Nos igitur eosdem Doctores, & legentes specialibus favoribus, & gratiis prosequi volentes, ac literarum omnium praedictarum, & privilegiorum tenores praesentibus pro expressis habentes, eoque, & eorum quemlibet a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt ad effectum, praesentium dumtaxat consequendum harum serie absolventes, & absolutos fore censentes, hujusmodi supplicationibus inclinati, deputationem dicti Pirri in Depositarium dictae Gabellae cum emolumento dictorum trecentorum scutorum, ac facultatibus, privilegiis, praerogativis, ac honoribus, praedictis per Nos, ut praefertur, factam, necnon literas desuper die 22. Junii Pontificatus nostri anno primo confectas, ac illarum intimationem, omniaque, & singula inde sequuta Apostolica auctoritate tenore praesentium revocamus, cassamus, & annullamus, ac cassa, irrita, & inania, ac nullius roboris, vel momenti fuisse, & esse, nec quodquam jus in dicta Depositaria per deputationem hujusmodi acquisitum, fuisse, aut esse, sicque per quoscumque Judices, & Commissarios, etiam causarum Palatii Apostolici Auditores, ac S.R.E. Cardinales, ac Legatum, Vicelegatum, & Gubernatorem, necnon quadraginta viros dictae Civitatis, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiti debere, necnon irritum, & inane quicquid secus super his a quoquam quavis auctoritate scienter, vel ignoranter contigerit attentari: eidemque Pirro sub excommunicationis, aliisque ecclesiasticis, ac pecuniariis poenis, ne in dicta Depositaria ejusdem Gabellae quoquomodo, vigore, aut pretextu deputationis per Nos, ut praefertur, factae, aut alias quomodolibet se ingerere audeat, vel praesumat, inhibemus.

Vetera omnia confirmat privilegia.

§.9. Et nihilominus omnia, & singula privilegia, & facultates, immunitates, praerogativas, libertates, gratias, & indulta, prout per eosdem Romanos Pontifices Praedecessores nostros praedictos, eidem Rectoribus, & legentibus concessa, approbata, & innovata fuerint, eidem auctoritate, & tenore approbamus, confirmamus, & etiam de novo concedimus, ac omnes defectus juris, & facti, si qui intervenierint in eisdem, supplemus.

Commissarios deputat.

§.10. Quocirca venerabilibus fratribus Archiepiscopo Bononien., & Episcopo Imolen.,

len., ac dilecto filio causarum Curie Camerae Apostolicae generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios, ubi, & quando opus fuerit, ac quoties pro parte Doctorum, & legentium praedictorum fuerint requisiti, eisdem in praemissis efficacis defensionis praesidio assistentes, faciant auctoritate nostra eisdem Doctores, & legentes revocatione, cassatione, annullatione, Decreto, inhibitione, confirmatione, approbatione, concessione, supplicatione, aliisque praemissis juxta earumdem praesentium contentiam, & tenorem pacifice frui, & gaudere, eaque omnia perpetuo firmiter observari; non permittentes eos desuper a quoquam quomodolibet indebite molestari; contradictores quoslibet, & rebelles per sententias, censuras, & poenas Ecclesiasticas, aliaque opportuna juris, & facti remedia appellatione postposita, compescendo, legitimisque super his habendis, servatis processibus, censuras, & poenas ipsas, etiam iteratis vicibus aggravando, invocato, etiam ad hoc, si opus fuerit, auxilio brachii secularis.

§. 11. Non obstantibus praemissis, ac nostra de non tollendo jure quaesito, quatenus opus sit, ac quibusvis Constitutionibus, & Ordinationibus Apostolicis, necnon omnibus illis, quae dicti Praedecessores suis literis voluerunt non obstat, ceterisque contrariis quibuscumque.

Datum Romae apud S. Marcum, sub Annulo Piscatoris die 30. Julii 1586. Pontificatus nostri Anno II.

LIII.

Confirmatio, & extensio Jurisdictionis Consulum Artis Pistorum, & Praefecti Annuae Almae Urbis, in rebus ipsam Artem tangentibus, ac privilegiorum, & gratiarum eorumdem Pistorum.

SIXTUS EPISCOPUS SERVUS SERVORUM DEI

Ad perpetuam rei memoriam.

Celestis Pater ad hoc Nos Universalis Ecclesiae Rectorem constituit, & Nobis oves suas pascendas commisit, ut omnibus personis praecipue Romanam Curiam sequentibus, ne indebitis molestiis afficiantur, sed pro earum qualitate iustitia ministraretur, quantum cum Deo possumus, salubriter provideamus, & ea, quae pro ipsarum personarum facili regimine, & gubernatione a nostris Praedecessoribus provida consideratione emanarunt, ut eo firmitus illibata persistant, quo frequentius Apostolice fuerint stabilita praesidio, nostrae approbationis munimine, dum a Nobis petitur, robaremus.

§. 1. Sane pro parte dilectorum Filiorum Universitatis Pistorum Urbis nostrae, Nobis nuper exhibita petitio continebat,

quod alias postquam sel. rec. Leo Papa X. Praedecessor noster, &c.

§. 2. Et deinde per recol. mem. Julium Papam III. Omittitur relatio Bullae Julii III. quia ipsam habes in Tom. III. Part. III. & quia ibi relata Bulla Leonis ideo hic omitteretur ejusdem relationis repetitio.

§. 3. Cum postmodum antiqua Statuta ipsius Urbis, de mandato sanctae memoriae Gregorii Papae XIII. &c. Omittitur etiam relatio Bullae Greg. XIII. quia est in Tom. III. Part. III. fol. 437. Almam.

§. 4. Cum autem eadem petitio subiungebat, plerique dubitent, aliqua artis Pistorum hujusmodi statuta, & praesertim illud quo dispositum est, quoscumque artem praedictam exercere, & clibanum habere volentes, priusquam ad hoc admitti possint, ad solutionem trium scutorum pro una Consulibus artis hujusmodi, & restiqui, duabus partibus Hospitali Beatae Mariae de Laureto de dicta Urbe applicandorum teneri, per praedictas literas Gregorii Praedecessoris hujusmodi declarationis, & reintegrationis jurisdictionum artium, earumque Collegiorum, & Consulum hujusmodi nullatenus reintegrata fuisse. Quare pro parte Universitatis Pistorum hujusmodi Nobis humiliter fuit supplicatum, ut literis Praedecessorum hujusmodi robor nostrae approbationis adiacere, aliaque in praemissis opportune providere de benignitate Apostolica dignaremur.

§. 5. Nos igitur Universitatem Pistorum hujusmodi, illiusque singulares personas, quarum quietem, & commodum, non minori, quam Praedecessores nostri praedicti paternae dilectionis affectu prosequimur, a quibusvis Excommunicationis, suspensionis, & interdicti, aliisque Ecclesiasticis censuris, & poenis, a jure, vel ab homine, quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, necnon singularum literarum praedictarum tenores veriores praesentibus pro expressis habentes, hujusmodi supplicationibus inclinati statuta, & Ordinationes dictae Universitatis, ac singulas etiam reintegrationis jurisdictionum literas Praedecessorum hujusmodi, ac in eis contenta quaecumque, praedicta auctoritate, tenore praesentium perpetuo approbamus, & confirmamus.

§. 6. Ac insuper eisdem nunc, & pro tempore Pistoribus, ut facilius, & minori cum dispendio jura sua consequi possint, in omnibus, & singulis eorum causis, litibus, controversiis, & differentiis, ratione panis per eos crediti, & rerum ad artem hujusmodi spectantium, de cetero movendis, videlicet, quae triginta ducatos auri de camera non exceperint, Consules pro tempore existentes dictae artis, contra quoscumque ejusdem Urbis Cives, opifices, habitatores, ac alias quascumque personas seculares; in aliis vero usque ad quamcumque summam, Praefectum pro tempore

Gregor. XIII. aliam edidit Constitutione hic indicatam

Art modo supplicat Papa pro uberiori provisione.

Hic ideo Prefectus omnes Praedecessorum Constitutiones ad favorem Pistorum Urbis confirmat.

Jurisdictioneque Consulibus in causis usque ad duc. 30. & inde supra Praefecto Annuae Camerae contra quoscumque concedit.

exi.

Leo X. & Julius III. de eorumque leguntur in Bulla Julii III sic cit.

Procurium.

Contraria tollit.

existentem Annuae Judices, contra quoscumque S. R. E. Cardinales, Episcopos, Praelatos, Oratores, proceres, & alios Ecclesiastica, vel temporali dignitate fungentes, dictae Urbis originarios, vel externos, auctoritate, & tenore praedictis perpetuo constitutum, & deputatum, eisdemque nunc, & pro tempore existentibus Pistoribus, facultates omnes, qui eis occasione crediti panis ac aliarum rerum artem ipsam concernentium debitores fuerint, pro consequenda satisfactione, ad iudicium coram Consulibus, & Annuae Praefecto Judicibus hujusmodi evocandi, dictis vero Consulibus, & Annuae Praefecto pro tempore existentibus, singulas causas hujusmodi summarie, simpliciter, & de plano, ac sine strepitu, & figura iudicii, manumque Regia, ac sola facti veritate inspecta, & prout in exactione pecuniarum praetii grani, eisdem Pistoribus ab Officialibus ejusdem Camerae Apostolicae pro tempore dati, contra eosdem pectores procedi solet, audiendi, cognoscendi, decidendi, sineque debito terminandi, necnon citandi, & in forma inhibendi, omnibusque aliis facultatibus necessariis, & opportunis, auctoritate, & tenore similibus, etiam perpetuo tribuimus.

§. 7. Quodque debita cum ipsis Pistoribus ratione panis crediti, & aliarum rerum hujusmodi contracta, ad honorum, & hereditatum quarumvis personarum, etiam cuiuscumque dignitatis, status, gradus, & conditionis existentium, coram quibusvis Judicibus dictae Urbis, tam Ordinariis, quam delegatis, & subdelegatis, pro tempore faciendas discussiones nullo pacto trahi possint. Quinimmo ipsi Pectores, pro consequenda debitorum hujusmodi satisfactione, in omnibus eorum litibus & causis, etiam si priores, & potiores creditores non sint, primum, & potiore loco obligationibus etiam in forma Camerae Apostolicae, etiam juramento vallatis, ac privilegiis, ceterisque in contrarium facientibus, non obstantibus quibuscumque habere, & obtinere omnino debeant, eisdem auctoritate, & tenore similiter perpetuo statuimus, & ordinamus: necnon sententiarum, mandatorum executorum, & decretorum per Consules, & Annuae Praefectum, Judices praefatos pro tempore latorum, & relaxatorum executionem, & quovis pretextu, etiam quarumcumque appellationum, recursuum, inhibitionum, & significationum etiam dotalium nullo modo impediri posse, sed easdem significationes, & inhibitiones, per Governatorem, & alios dictae Urbis Judices, ad quos ipsi appellantes, & recurrentes recursum habuerint, denegandas esse, easque concessas, illico revocatas, & ipsis recurrentibus minime suffragari volumus.

§. 8. Decernentes a sententiis, declarationibus, & decretis eorumdem Consulium, ad Conservatores: & non alios quovis iudices appellari posse, & appellationes non nisi in causis, & litibus super materia Bullae Rom. Tom. IV. Par. IV.

Appellatione a scuris roborata ad conservatores permittit.

jori quam decem scutorum summa vertentibus, admittendas esse, nec a decem infra recursus ad aliquos Judices haberi, minisque concedi posse.

§. 9. Ac praesentes literas de subreptionis, vel obreptionis vitio, mentisque, aut intentionis nostrae defectu notari, aut impugnari nullatenus posse. Irritum quoque, & inane, si secus super his a quoquam quavis auctoritate scienter, vel ignoranter contigerit attentari.

§. 10. Non obstantibus praemissis, ac Constitutionibus, & Ordinationibus Apostolicis, necnon dictae Urbis statutis, legibus, & Consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis eidem Auditori Camerae, seu obligationibus Cameralibus, ac quibusvis dictae Urbis Judicibus ordinariis, & extraordinariis, ac delegatis, illorumque tribunalibus, & quibusvis aliis personis, etiam locis piis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolentis clausulis, irritantibusque, & aliis decretis, in genere, vel in specie, etiam motu simili, etiam consistorialiter, ac alias in contrarium quomodolibet concessis, approbatis, & innovatis, quibus omnibus, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia ex qua forma ad hoc servanda foret, illis alias in suo robore permanens, hac vice dumtaxat, specialiter, & expresse derogamus, ceterisque contrariis quibuscumque. Nulli ergo &c.

Datum Romae apud Sanctum Marcum Anno Incarnationis Dominicae millesimo quingentesimo octuagesimo sexto, quarto decimo Kalendas Septembris, Pontificatus nostri Anno II.

LIV.

Jurisdictione S. R. E. Cardinalis, & Judicis causarum Archiconfraternitatis B. Mariae Virginis de Urbe Confraternitatis nuncupatae, ad Redemptionem Captivorum ab infidelium servitute, aliaque pia opera exercenda dudum instituta.

Alia, quae hanc Sodalitatem concernunt, vide in Greg. XIII. Pastoris. T. IV. P. III. fol. 319.

SIXTUS PAPA V.

Motu proprio &c.

CUM sicut accepimus Venerabilis Archiconfraternitatis Confraternitatis Gloriosissimae Virginis Mariae, ejusque pro tempore existentes Custodes, Camerarius, Officiales, & Ministri, ob lites, quaestiones, & controversias civiles, profanas, spirituales, meras, & mixtas per diversa Urbis Tribunalia, occasione locationum, censuum,

Decretum irritans apponit.

Contrariis derogat.

D. P. An. II. 19. Augusti.

Causa concessionis.

F f 2

Hic Pontifex volens Archiconfraternitatem Consilium ab expensis litium sublevari, dat facultatem eius Custodibus quatuor Praelatos nominandi, Cardinali Prorectori, qui ex eis unum eligat Judicem causarum d. Archiconfraternitatis, cuius potestate eas summarie cognoscendi.

suum, donationum, hereditatum, legatorum, dotium, & diversarum aliarum rerum ejusdem, tam agendo pro ipsa Archiconfraternitate, quam eam defendendo, vel alias jugiter implicati existant, ex quo sepius quamplura damna, & interesse patiuntur, ac impensa litis valorem rei, de qua ex tempore agitur, saepenumero superet.

§.1. Nos Archiconfraternitatem praefatam, quam singulari dilectione prosequimur, & in qua diversa pietatis, caritatis, & misericordiae opera, etiam elemosynas pauperibus erogando, ac miserabilibus Puellis dotes elargiendo, necnon Captivos a durissima infidelium servitute maxima cum caritate redimendo, continuo impendi spectantur, necnon dilectos filios Magistrum Hieronymum de Avila U. J. D. literarum Apostolicarum Correctorem, & Abbreviatorem, ac in utraque Signatura nostra Referendarium, Praelatum nostrum domesticum, Paulum de Mattheis, Carolum de Maximis, ac Ulfesem Lancerinium patritios Romanos, necnon Franciscum Covarucium ipsius Confraternitatis modernos, & pro tempore existentes Custodes, & Camerarium ab hujusmodi dispendiis, quantum cum Deo possumus, sublevari volentes, Motu simili, & ex certa nostra scientia, ac de Apostolica potestate plenitudine. Quod de cetero perpetuis futuris temporibus, moderni, & pro tempore existentes dictae Archiconfraternitatis Custodes quatuor ex Referendariis utriusque Signaturae nostrae, & pro tempore existentis Romani Pontificis, moderno, & pro tempore existenti ipsius Archiconfraternitatis Prorectori nominare, & proponere possint, & valeant, ad effectum ut ex illis quatuor, unus per eundem modernum, & pro tempore existentem Prorectorem eligi, seu deputari debeat, Apostolica auctoritate tenore praesentium perpetuo statuimus, & ordinamus. Ac eidem Referendario sic pro tempore electo, & deputato, ex nunc prout ex tunc, & e contra, post electionem, & deputationem hujusmodi omnes, & singulas causas, lites, quaestiones, & controversias inter dictam Archiconfraternitatem, sive illius Custodes, Camerarium, Officiales, & Ministros nunc, & pro tempore existentes, ac quascumque alias, tam laicas, quam Ecclesiasticas personas, cujuscumque gradus, status, ordinis, dignitatis, conditionis, vel praeminentiae existentes, etiam Cardinalatus honore praefulgentes, Universitates, Societates, Congregationes, Collegia, ac tam virorum, quam Mulierum Monasteria, Hospitalia, aut alia loca Pia, etiam si coram nunc, & pro tempore existentibus S. R. E. Cameraario, Clericis, & Praesidentibus Camerae Apostolicae, & ejusdem Camerae causarum Auditori generali, nec non Vicario, Governatore, & Senatore dictae Urbis, illorumque Locatenentibus, Collateralibus Judicibus, ac Appellationum causarum Palatii Apostolici Auditoribus, ac ejusdem S. R. E. Cardinalibus, & aliis quibuscumque Judici-

bus ordinariis, ac a Nobis, & Successoribus nostris Romanis Pontificibus specialiter quomodocumque Commissariis deputatis, & delegatis, ac deputandis, & delegandis, nunc, & pro tempore motas, & pendentes, ac quomodolibet movendas, & pendendas, de & super quibuscumque locationibus, venditionibus donationibus, legatis, fidei commissis, testamentis, hereditatibus, & illarum discussionibus, ac quibusvis aliis dispositionibus, ad favorem tam ejusdem Archiconfraternitatis, quam Redemptionis Captivorum dictae Archiconfraternitati, per Sedem Apostolicam iniuncta factis, ac dotibus, & quoruncumque jurium, & actionum cessionibus, aliisque quibuscumque inter vivos, ac causa mortis, & quasi contractibus, etiam vigore obligationis in forma Camerae, executionibus, revocationibus, bonis, rebus, juribus, & actionibus ipsius Archiconfraternitatis, ejusque Custodes, Camerarium, Officiales, & Ministros praefatos, eorumque lites consortes, tam conjunctim quam divisim, & tam active, quam passive, tam secundario, quam principaliter interesse concernentes, & ad ipsam Archiconfraternitatem, etiam per viam necessariae defensionis, & alias quomodolibet spectantes, & pertinentes, in quacumque instantia, quorum omnium status, & merita, ac Judicium, & colligantium nomina, & cognomina, & qualitates, ceteraque etiam de necessitate exprimenda, praesentibus pro expressis habentes, in statu, & terminis, in quibus ad praesens reperiuntur, & quodcumque reperientur, harum ferie, ad Nos, & Sedem Apostolicam advocantes, illisque omnes, & singulas alias, similes, vel dissimiles causas quomodolibet nunc, & pro tempore motas, & pendentes, ac quas dicta Archiconfraternitas, illius Custodes, Camerarius, Officiales, & Ministri habere, & movere volent contra easdem personas, Universitates, Societates, Congregationes, Collegia, Monasteria, Hospitalia, aut alia aequae, vel magis pia loca, etiam quomodolibet, & qualitercumque privilegiata, & exempta, pro ipsius Archiconfraternitatis rebus, bonis, hereditatibus, legatis, juribus, & actionibus hujusmodi, tam agendo pro ipsa Archiconfraternitate, & quacumque persona ab ea causam habente, quam etiam si contra ipsam Archiconfraternitatem, ad instantiam quarumcumque personarum, qualitercumque qualificatarum, & privilegiatarum quomodolibet agatur, eidem Referendario, ut praefertur, electo, & deputato, una cum omnibus, & singulis earum incidentibus, dependentibus, emergentibus, annexis, & connexis, summarie, simpliciter, & de plano, & sola facti veritate inspecta, ac sine strepitu, & figura iudicii, & absque tela judiciaria, ac aliquorum terminorum substanti alium observatione, aut alicujus Registri, vel extractus confectione, per se ipsum, vel in ejus a dicta Urbe absentia, aut alias ex quavis causa, per alium ab eisdem Custodibus, accedente, ut supra dicti Prorectoris appro-

batione,

Citandique, & inhibendum in Curia quam extra, & quibuscumque Judicibus.

batione, durante absentia, seu alias quomodolibet eligendum, usque ad finalem sententiarum executionem inclusive, audiendas, cognoscendas, sineque debito terminandas, ac etiam alibi introducendas, seu committendas, reassumendas, & auctoritate, & tenore praefatis, etiam perpetuo committimus, & mandamus.

§.2. Ipsumque Referendarium, ut praefertur, electum, & deputatum in dictis causis, tam pro ipsa Archiconfraternitate quam contra illam motis, & pendentibus, & in futurum movendis, in Judicem Ordinarium, & Apostolica auctoritate deputatum, cum facultate eisdem causas usque ad finem, absque tamen alicujus propinae receptione, cognoscendi, decidendi, atque terminandi, ac etiam cum potestate citandi, & inhibendi quos, quibus, ac quoties opus fuerit, etiam per se, vel alium, seu alios quoscumque, tam in Romana Curia, quam extra eam, etiam per edictum publicum, consilio sibi etiam summarie de non tuto accessu, eisdemque, & praedictis, ac quibuscumque aliis ejusdem Urbis Curiarum, seu Tribunalium Judicibus, & personis, tam Ecclesiasticis quam secularibus cujuscumque dignitatis, gradus, ordinis, vel conditionis fuerint, quibus, ac quoties opus fuerit, etiam sub sententiis, censuris Ecclesiasticis, ac etiam pecuniariis penis, prout sibi videbitur, inhibendi, & in eventum non partitionis contra inobedientes, contumaces, & rebelles, ad declarationem incurfus censurarum, & poenarum hujusmodi, illarumque aggravationes, & reagravationes, ac alias prout sibi melius expedire videbitur, seu placuerit, servata forma Concilii Tridentini procedendi, sententiaque, seu mandata, per eum pro tempore lata, seu relaxata, debite executioni demandandi, sive demandari faciendi.

§.3. Contradictores quoslibet, & rebelles, ac praemissis quovis pretextu non parentes, per censuras Ecclesiasticas, ac etiam pecuniarias poenas, aliaque opportuna juris, & facti remedia, appellatione postposita, compescendi, auxiliumque brachii secularis ad hoc, si opus fuerit, invocandi, aliaque omnia, & singula in praemissis, & circa ea quomodolibet necessaria, & opportuna faciendi, gerendi, & exequendi, ac cum aliis facultatibus ad id quomodolibet necessariis, auctoritate, & tenore praedictis similiter perpetuo facimus, constituimus, & deputamus, sibi que plenam, liberam, & amplam super praemissis licentiam, & facultatem, atque auctoritatem etiam concedimus, & impartimus.

§.4. Decernentes quod a pro tempore existentis Referendarii, ut praefertur electi, & deputati sententiis, mandatis, ordinationibus, & decretis, nullatenus suspensive appellari, reclamari, de nullitate dici, sive quomodolibet adversus illa ad effectum impediendi executionem aliquod remedium attentari possit. Devolutive autem semel tantum liceat appellare, & alia remedia intentare coram alio Judice praedicto

Appellatio ab ejus sententiis semel tantum, & non suspensive, ad alium Judicem a Prorectore de p. an. admittatur, & res nullitates tantum opponi possint.

pro tempore existenti Prorectori, ut praefertur, nominando, & ab eo approbando. Secundo autem, vel ulterius sublata sit omnis, & quaecumque appellatio, sed praedictae duae sententiae plenariam executionem obtineant, ac firma, & illibatae permaneant, ac si essent tres conformes, ac nullitas aliqua, exceptis tribus substantialibus opponi nullo modo possit.

§.5. Et licet ad instantiam quoruncumque haereditum sive quoruncumque aliorum committatur in futurum, vel etiam modo pendeat commissa causa discussionis alicujus haereditatis, & dictae Archiconfraternitati, seu illius Custodibus, Camerario, Officialibus, & Ministris, etiam virtute commissionis fuerit inhibendum, tamen ne exactio creditorum in praedictum ipsius Archiconfraternitatis protrahatur, data idonea cautione per dictos Custodes, Camerarium, Officiales, seu Ministros, de restituendo summam debitam in eventum succumbentiae prioribus, & potioribus creditoribus, pro tempore existens Referendarius praedictus, eosdem haereditum sive alios quoscumque debitores, seu ipsorum quemlibet, ex quacumque causa cessionarios, vel ab eis quomodolibet, & ex quocumque titulo causam habentes, ad satisfaciendum integraliter dictae Archiconfraternitati de ejus credito, & facti remediis cogat, & compellat.

§.6. Ac in omnibus, & singulis causis praedictis ad dictam Archiconfraternitatem, ut praefertur, quomodolibet spectantibus, singulis diebus, & horis, feriatis & non feriatis, praeterquam in honorem Dei, procedat.

§.7. Et Notarium actuarium per eosdem Custodes eligendum, ac ab eis, & eorum arbitrio, ac ad eorum nutum ponendum, & amovendum, quem eis placuerit, habeat: qui teneatur dare idoneam cautionem eisdem Custodibus in ejus deputatione, de restituendo absque aliqua pecuniarum solutione, & fraude, ac omni mora, & dilacione, atque exceptione, seu excusatione postpositis, quoties ab eisdem Custodibus, ab hujusmodi Notariatus officio amotus fuerit, omnes, & singulas scripturas ad dictam Archiconfraternitatem, ut praefertur, quomodolibet spectantes, per eosdem Custodes facto de illis Inventario, Notario successori, ab eisdem Custodibus deputato consignandas.

§.8. Quodque citationes in causis praedictis etiam per Curiam Capitoli, seu alios quoscumque etiam dictae Archiconfraternitatis Mandatarios, fieri possint.

§.9. Ac quod quicumque Executores Curiarum, seu Tribunalium dictae Urbis, possint, & debeant exequi, & effectualiter executioni demandare omnes, & singulas sententias, decreta, & mandata pro tempore existentis Referendarii hujusmodi, sive in ejus absentia, aut alias ipso impedito, ab eisdem Custodibus eligendi, ac ut supra, nominandi, ac a Prorectore approbandi, quae non obstante Regula Cancellaria sub ejus parvo sigillo expediri possint.

§.10. Ac

Judicis facultas in causis discussionum s

Singulisque diebus, & horis procedent.

Notarium deputandi.

Citationes fieri possint per quoscumque Mandatarios.

Executores omnes exequi debeant mandata praedicti Judicis.